

TRINTASETTE RETROGADU
FIORIDU E TENTU A MAGLIA

-Risposta a su pressante invitu
de unu poeta mannu de parte-
cipare a sos cuncursos e a non
timer su giudiziu de sas giurias.

Ma deo su chi penso naro giustu,
mancari a bortas risultet dannosu
ca faghet parte 'e sa natura mia.

Nd'hana totu timore 'e sa giuria,
dan' su votu cun arte dubbiosa
e sa cosa procurat malumore:
de sa giuria nd'han' totu timore,
cun arte dubbiosa dan' su votu,
de sa giuria timore nd'han' totu,
cun dubbios' arte su votu dana,
timore 'e sa giuria totu nd' hana
ca dan'su votu cun dubbios' arte.

Ma deo su chi penso naro giustu,
mancari a bortas risultet dannosu,
de sa natura mia faghet parte.

Tantu sas Musas non lasso in disparte,
cumasso, ca piaghet, cantu poto,
lotto cun totus, giurias esclusas:
Tantu non lasso in disparte sas Musas,
cantu poto, ca piaghet, cumasso,
tant' in disparte sas Musas no lasso,
cumasso, ca piaghet, poto cantu,
non lass' in disparte sas Musas tantu,
cumasso cantu poto ca piaghet.

Ma deo su chi penso naro giustu,
mancari a bortas risultet dannosu,
de sa natura mia parte faghet.

Si fatto pagu sonu dispiaghet,
c'agato istragu meda e gosu zero,
nudda ispero ca miseru est su donu:
dispiaghet si fatto pagu sonu,
ca gosu zero e med'istragu agato,
dispiaghet si pagu sonu fatto,
c'agato gosu zero e meda istragu,
dispiaghet si fatto sonu pagu,
c'agato istragu meda e zero gosu.

Ma deo su chi penso naro giustu,
ca faghet parte 'e sa natura mia
mancari a bortas risultet dannosu.

Cando s' incertu diventat dudosu,
tando s'espertu ch'iscultet cumbenit,
ca prevenit s'errore e si cuntentat:
cando s' incertu dudosu diventat,
cumbenit tando ch'iscultet s'espertu,
diventat dudosu cando s' incertu
ch'iscultet s'espertu cumbenit tando,
dudosu diventat s'incertu cando,
s'espertu tando cumbenit ch'iscultet.

Ma deo su chi penso naro giustu,
ca faghet parte 'e sa natura mia,
mancari a bortas dannosu risultet.

Si passat bancu non cheret ch'esultet,
mancu disperet si dortas nde l'essit:
s'in cussu resessit, s'istiga lassat:
non cheret ch'esultet si bancu passat,
si dortas nde l'essit mancu disperet,
si passat bancu ch'esultet non cheret,
si dortas nde l'essit disperet mancu,
non cheret ch'esultet si passat bancu,
mancu disperet si nde l'essit dortas.

Ma deo su chi penso naro giustu,
ca faghet parte 'e sa natura mia
risultet dannosu mancari a bortas.

Mesu finidas hapo sas iscortas,
mi sapo presu cun dinari pagu,
isvagu solu in sas dies nodidas:
sas iscortas hapo mesu finidas,
cun dinari pagu presu mi sapo,
mesu finidas sas iscortas hapo,
cun dinari pagu mi sapo presu,
sas iscortas finidas hapo mesu,
mi sapo presu cun pagu 'inari.

Ma deo su chi penso naro giustu,
ca faghet parte 'e sa natura mia,
dannosu a bortas risultet mancari.

Duru est a gherrare at armas impari,
eppuru in su lottare gustu b'hada,
ca dada a sa contesa sensu agreste:
At arm'impari, a gherrare duru este,
eppuru gustu b'hada in su lottare,
at arm'impari duru est a gherrare,
in su lottare gustu b'hat eppuru,
a gherrare at armas impari est duru,
eppuru in su lottare b'hada gustu.

Ca faghet parte 'e sa natura mia,
mancari a bortas risultet dannosu,
ma deo su chi penso naro giustu.

Prite has in s'Ippocrene lara infustu,
l'imparo 'ene sa rara cantone,
ca est isprone a sa musa romasa:
prite lara in s'Ippocrene infust' hasa,
l'imparo 'ene sa cantone rara,
prite has in s'Ippocrene infustu lara,
l'imparo sa cantone rara 'ene,
prite has infustu lara in s'Ippocrene,
sa cantone rara bene l'imparo.

Ca faghet parte 'e sa natura mia,
mancari a bortas risultet dannosu,
ma giustu su chi penso deo naro.

A pizu fine in terras noas aro,
chi fastizu non leo proas tenzo,
ca mantenzo a distanza su addine:
in terras noas aro a pizu fine,
chi fastizu non leo tenzo proas,
aro a pizu fine in terras noas,
proas tenzo chi non leo fastizu,
in terras noas aro a fine pizu,
proas tenzo chi fastizu non leo.

Ca faghet parte 'e sa natura mia,
mancari a bortas risultet dannosu,
ma giustu su chi penso naro deo.

Cantu a cumponner modellu peleo!
M'a ponner in risaltu est bellu tantu,
a cumponner modellu peleo cantu,
m'a ponner in risaltu est tantu bellu,
cantu peleo a cumponner modellu,
ma bellu tantu est in risaltu a ponner,

cantu peleo modellu a cumponner,
ma tantu bellu a ponner in risaltu,
ca de sa mente non perdo s'ismaltu.

Autore.....Longu Antonio

Luogo di nascita...Bolotana

Data di nascita.....17/02/1939

Residenza.....Macomer – Via Gobetti nr. 5

Telefono.....0785/20665 – Cell. 3286027646